

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ

## Ո Ր Ո Շ ՈՒ Մ

քաղ. երևան

26 մարտի 2009 թվականի N 302 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ 2009 ԹՎԱԿԱՆԻ ՊԵՏԱԿԱՆ ԲՅՈՒՋԵՏՈՒՄ  
ՎԵՐԱԲԱՇԽՈՒՄ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2008 ԹՎԱԿԱՆԻ  
ՊԵԿՏԵՄԲԵՐԻ 25-Ի N 1573-Ն ՈՐՈՇՄԱՆ ՍԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ  
ԿԱՏԱՐԵԼՈՒ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ 2009 ԹՎԱԿԱՆԻ ՊԵՏԱԿԱՆ ԲՅՈՒՋԵԹԻ  
ՄԻՋՈՑՆԵՐԻ ՀԱՇՎԻՆ ՊԱՐՏԱՎՈՐՈՒԹՅՈՒՆՆԵՐԻ ՍՏԱՆՁՆՄԱՆ ԳՈՐԾԸՆԹԱՑԸ  
ԿԱՆՈՆԱՎԱՐԳԵԼՈՒ ԵՎ ՄԻ ՇԱՐՔ ԱՅԼ ՀԱՐՑԵՐԻ ՄԱՍԻՆ

---

«Իրավական ակտերի մասին» Հայաստանի Հանրապետության օրենքի 70-րդ հոդվածի 5-րդ մասին, «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 13-րդ հոդվածի 2-րդ, 19-րդ հոդվածի 3-րդ և 23-րդ հոդվածի 3-րդ մասերին, ինչպես նաև «Հայաստանի Հանրապետության 2009 թվականի պետական բյուջեի մասին» Հայաստանի Հանրապետության օրենքի 11-րդ հոդվածին համապատասխան Հայաստանի Հանրապետության կառավարությունը **ո Ր Ո Շ ՈՒ Մ է.**

1. «Հայաստանի Հանրապետության 2009 թվականի պետական բյուջեի մասին» Հայաստանի Հանրապետության օրենքի 7-րդ, 8-րդ հոդվածների աղյուսակներում և N 1 հավելվածում կատարել փոփոխություններ համաձայն համապատասխանաբար NN 3 - 5 հավելվածների:

2. Հայաստանի Հանրապետության կառավարության 2008 թվականի դեկտեմբերի 25-ի «Հայաստանի Հանրապետության 2009 թվականի պետական բյուջեի կատարումն ապահովող միջոցառումներ, Հայաստանի Հանրապետության 2009 թվականի պետական

բյուջեում վերաբաշխում, Հայաստանի Հանրապետության կառավարության 2004 թվականի փետրվարի 12-ի N 218-Ն որոշման մեջ փոփոխություն կատարելու և Հայաստանի Հանրապետության պետական բյուջեից գումար հատկացնելու մասին» N 1573-Ն որոշման մեջ կատարել հետևյալ լրացումները և փոփոխությունները.

1) որոշման 2-րդ կետը լրացնել նոր 7-րդ կետով հետևյալ բովանդակությամբ.

«7) սույն որոշման N 5 հավելվածով սահմանած այն ծախսային ծրագրերը, որոնց գծով ֆինանսավորումը 2009 թվականին ժամանակավորապես ամբողջապես կամ մասնակիորեն կասեցվում են, համաձայն N 5 Բ հավելվածի:»,

2) որոշման 4-րդ կետի 1-ին ենթակետը լրացնել նոր «դ» պարբերությունով հետևյալ բովանդակությամբ.

«դ. «Հայաստանի Հանրապետության 2009 թվականի պետական բյուջեի մասին» Հայաստանի Հանրապետության օրենքի 11-րդ հոդվածի 13-րդ կետով և «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 13-րդ հոդվածի 2-րդ մասով Հայաստանի Հանրապետության կառավարությանը վերապահված իրավասությունների իրականացման վերաբերյալ (անհրաժեշտության դեպքում):»,

3) որոշումը լրացնել նոր 5.1. կետով հետևյալ բովանդակությամբ.

«5.1. Միջազգային կազմակերպությունների և օտարերկրյա պետությունների աջակցությամբ Հայաստանի Հանրապետությունում իրագործվող նպատակային վարկային և դրամաշնորհային ծրագրերի գծով բյուջետային գլխավոր կարգադրիչ հանդիսացող Հայաստանի Հանրապետության պետական կառավարման մարմինների ղեկավարներին՝ իրենց իրավասության սահմաններում ձեռնարկել բոլոր անհրաժեշտ միջոցները 2009 թվականին համապատասխան նպատակային վարկային և դրամաշնորհային ծրագրերի կատարման հնարավորինս բարձր մակարդակ ապահովելու ուղղությամբ:»,

4) որոշման 25-րդ կետը լրացնել նոր 3-րդ ենթակետով հետևյալ բովանդակությամբ.

«3) ապահովել «Հայաստանի Հանրապետության 2009 թվականի պետական բյուջեի մասին» Հայաստանի Հանրապետության օրենքով սահմանված եկամուտների հաշվարկման հիմ-

քուն դրված՝ 2009 թվականի համար ծրագրված հարկերի և պետական տուրքերի/ՅՆԱ և պարտադիր սոցիալական ապահովության վճարներ/ՅՆԱ ցուցանիշների կատարումը:»,

5) որոշման 30-րդ կետի 1-ին ենթակետում «եռամսյակային» բառը փոխարինել «տարեկան» բառով

6) որոշման 34-րդ կետը լրացնել նոր 5-րդ և 6-րդ ենթակետերով հետևյալ բովանդակությամբ.

«5) Հայաստանի Հանրապետության ֆինանսների նախարարությանը 2009 թվականի չորրորդ եռամսյակում 1,950,000.0 հազ. դրամ (բյուջետային ծախսերի տնտեսագիտական դասակարգման «Ներքին արժեթղթերի (բացառությամբ բաժնետոմսերի) հիմնական գումարի մարում» հոդվածով) Հայաստանի Հանրապետության կառավարության 2008 թվականի նոյեմբերի 20-ի «Գյումրի քաղաքի Անի և Մուշ թաղամասերի կառուցապատման աշխատանքների ֆինանսավորման պայմանների մասին» N 1384-Ա որոշմամբ «Գլենդել Հիլզ» փակ բաժնետիրական ընկերությանը տրամադրված փոխանցելի մուրհակների մարումն ըստ նշված որոշմամբ սահմանած ժամանակացույցի կատարելու նպատակով,

6) Հայաստանի Հանրապետության գյուղատնտեսության նախարարությանը 2009 թվականի 149,390.9 հազ. դրամ (բյուջետային ծախսերի տնտեսագիտական դասակարգման «Շենքերի և շինությունների կապիտալ վերանորոգում» հոդվածով) Հայաստանի Հանրապետության Գեղարքունիքի մարզի Մարտունի քաղաքի տարածքում Մարտունի գետի հունի մաքրման և ափապատմեղների կառուցման նպատակով, որից՝ 2009 թվականի երկրորդ եռամսյակում՝ 45,510.3 հազ. դրամ և 2009 թվականի ինն ամսում՝ 96,897.5 հազ. դրամ: »,

7) որոշման NN 1 - 5 հավելվածներում կատարել փոփոխություններ՝ համաձայն սույն որոշման NN 1 - 5 հավելվածների,

8) որոշումը լրացնել նոր «Հայաստանի Հանրապետության կառավարության 2008 թվականի դեկտեմբերի 25-ի N 1573-Ն որոշման N 5 հավելվածով սահմանված այն ծախսային ծրագրերը, որոնց գծով ֆինանսավորումը 2009 թվականին ժամանակավորապես ամբողջապես կամ մասնակիորեն կասեցվում են» N 5 Բ հավելվածով համաձայն սույն որոշման N 6 հավելվածի,

9) ուժը կորցրած ճանաչել որոշման N 14 հավելվածի աղյուսակների «Բ» և «Գ» մասերի «Առաջին եռամսյակ», «Առաջին կիսամյակ» և «Ինն ամիս» սյունակների ցուցանիշները:

3. Հայաստանի Հանրապետության կրթության և գիտության նախարարին, Հայաստանի Հանրապետության մարզպետներին (երևանի քաղաքապետին)՝

2009 թվականի ընթացքում առաջնորդվել Հայաստանի Հանրապետության կառավարության 2006 թվականի օգոստոսի 24-ի «Հայաստանի Հանրապետության պետական հանրակրթական ուսումնական հաստատությունների ծախսերի հաշվարկման, պետական հանրակրթական ուսումնական հաստատությունների ծախսերում կատարվող վերաբաշխումների կարգը հաստատելու և Հայաստանի Հանրապետության կառավարության 2001 թվականի օգոստոսի 25-ի N 773 որոշումն ուժը կորցրած ճանաչելու մասին» N 1262-Ն որոշման 3-րդ կետով հաստատված՝ Հայաստանի Հանրապետության պետական հանրակրթական ուսումնական հաստատությունների ծախսերում կատարվող վերաբաշխումների կարգի միայն 1-ին կետով և այդ վերաբաշխումները իրականացնելիս ապահովել Հայաստանի Հանրապետության պետական հանրակրթական ուսումնական հաստատություններում 2009 թվականին մանկավարժական դրույքների համար տարիֆիկացիաներով սահմանված դրույքաչափերը:

4. Սահմանել, որ Հայաստանի Հանրապետության 2009 թվականի պետական բյուջեի միջոցների հաշվին կատարվող Հայաստանի Հանրապետության կառավարության 2008 թվականի դեկտեմբերի 25-ի «Հայաստանի Հանրապետության 2009 թվականի պետական բյուջեի կատարումն ապահովող միջոցառումներ, Հայաստանի Հանրապետության 2009 թվականի պետական բյուջեում վերաբաշխում, Հայաստանի Հանրապետության կառավարության 2004 թվականի փետրվարի 12-ի N 218-Ն որոշման մեջ փոփոխություն կատարելու և Հայաստանի Հանրապետության պետական բյուջեից գումար հատկացնելու մասին» N 1573-Ն որոշման N 5 հավելվածում նշված գործարքների գծով պարտավորությունները՝

1) ստանձնելիս նախատեսվում է, որ յուրաքանչյուր եռամսյակի ընթացքում կատարման ենթակա (փաստացի առաջացող) պարտավորությունների չափը չի կարող գերազանցել տվյալ եռամսյակի համար նախատեսված ֆինանսական հատկացումը: Ընդ որում՝

ա. պարտավորությունները ստանձնվում են 2009 թվականի պետական բյուջեում փոփոխություններ կատարելու դեպքում՝ դրանք պետական կառավարման մարմնի կողմից միակողմանի վերանայելու պայմանով,

բ. այն գործարքների մասով, որոնք նախատեսված են Հայաստանի Հանրապետության 2009 թվականի պետական բյուջեի միջոցների հաշվին կատարվող Հայաստանի Հանրապետության կառավարության 2008 թվականի դեկտեմբերի 25-ի «Հայաստանի Հանրապետության 2009 թվականի պետական բյուջեի կատարումն ապահովող միջոցառումներ, Հայաստանի Հանրապետության 2009 թվականի պետական բյուջեում վերաբաշխում, Հայաստանի Հանրապետության կառավարության 2004 թվականի փետրվարի 12-ի N 218-Ն որոշման մեջ փոփոխություն կատարելու և Հայաստանի Հանրապետության պետական բյուջեից գումար հատկացնելու մասին» N 1573-Ն որոշման N 5 Բ հավելվածում, ծախսերի տարեկան նախահաշիվները հաստատում են այդ հավելվածով նախատեսված չափով պակաս գումարով, իսկ ֆինանսական պարտավորությունները ստանձնվում և կատարվում են Հայաստանի Հանրապետության կառավարության որոշման առկայության դեպքում.

2) նախքան սույն որոշման հաստատվելը կնքված գործարքներում՝ մինչև սույն որոշումից բխող փոփոխությունների կատարումը, ֆինանսավորվում են հաշվի առնելով սույն կետի 1-ին ենթակետով նախատեսված սահմանափակումները: Ընդ որում նշված փոփոխությունները կատարվում են մեկ ամսվա ընթացքում:

5. Հայաստանի Հանրապետության պետական կառավարչական հիմնարկների ղեկավարներին՝

1) Հայաստանի Հանրապետության 2009 թվականի պետական բյուջեով նախատեսված Հայաստանի Հանրապետության կառավարության պահուստային ֆոնդից հատկացումների տրամադրման մասին սահմանված կարգով առաջարկություններով հանդես գալուց միաժամանակ ներկայացնել առաջարկություններ իրենց կողմից ղեկավարվող մարմինների գծով Հայաստանի Հանրապետության 2009 թվականի պետական բյուջեով նախատեսված ծրագրերի ֆինանսավորման համար նախատեսված հատկացումների նվազեցման մասին:

2) սույն որոշման 2-րդ կետի 8-րդ ենթակետի ընդունմամբ պայմանավորված Հայաստանի Հանրապետության 2009 թվականի պետական բյուջեի մասին» Հայաստանի Հանրապետության օրենքի N 1 հավելվածի NN 16, 23-1, 23-2, 24-1 – 24-3, 25 -1 - 25-13, 26-1 – 26.5, 27 և 28 աղյուսակներում փոփոխությունները համաձայնեցնել Հայաստանի Հանրապետության ֆինանսների նախարարի հետ:

6. Գաղտնի:

7. Սույն որոշումն ուժի մեջ է մտնում պաշտոնական հրապարակմանը հաջորդող օրը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ՎԱՐՉԱՊԵՏ**

**Տ. ՍԱՐԳՍՅԱՆ**